

Na osnovu člana 15. Zakona o principima lokalne samouprave u Federaciji Bosne i Hercegovine («Službene novine Federacije BiH», broj:49/06 i 51/09), člana 81. Statuta Općine Novi Grad Sarajevo – prečišćeni tekst («Službene novine Kantona Sarajevo», br.30/09.- novi prečišćeni tekst) i člana 9. Odluke o organizaciji jedinstvenog općinskog organa uprave Općine Novi Grad Sarajevo, ("Službene novine Kantona Sarajevo" br. 6/17.), Strategije razvoja Općine Novi Grad Sarajevo (2014-2020) i Protokolu o saradnji u okviru Projekta RAST između Općine Novi Grad Sarajevo i Chatolic Relief Services (CRS) br. 02/03-28-4531/17, Općinski načelnik d o n o s i

## ODLUKU

### o pristupanju izradi Lokalnog akcionog plana zapošljavanja za period 2017.-2020.

#### Član 1.

Općina Novi Grad Sarajevo pristupa izradi Lokalnog akcionog plana zapošljavanja za period 2017.-2020. (LAPZ) u cilju efikasnog planiranja i provedbe mjera za podsticaj zapošljavanju na lokalnom nivou koje će doprinijeti većem i održivom zapošljavanju.

#### Član 2.

Učešće konsultanta na izradi LAPZ bit će omogućeno u okviru Projekta RAST koji provodi Chatolic Relief Services (CRS), a uz finansijsku podršku USAID.

#### Član 3.

Koordinator realizacije člana 1. u ime Općine Novi Grad Sarajevo bit će Služba za privredu i lokalni ekonomski razvoj (Služba). Općinski načelnik će na prijedlog Službe imenovati članove Radnog tima kao podršku u izradi LAPZ.

#### Član 4.

Konsultant ispred CRS-a će u saradnji sa Službom za privredu i lokalni ekonomski razvoj sačiniti Metodologiju izrade LAPZ, kao i Dinamički plan realizacije.

#### Član 5.

Strukturu Radnog tima činit će predstavnici sljedećih subjekata: Služba za privredu i lokalni ekonomski razvoj, zatim Služba za obrazovanje, kulturu i sport, Komisija za mlade Općinskog vijeća Novi Grad, Srednja elektrotehnička škola Sarajevo, Privredni/Poslovni savjet Općine Novi Grad Sarajevo, te Privredna komora Kantona Sarajevo i Centra za edukaciju Takt Akademija.

#### Član 6.

Zadatak Radnog tima je da u saradnji sa Službom i konsultantom imenovanim ispred CRS-a uradi Nacrt LAPZ za period 2017-2020 po utvrđenoj dinamici i metodologiji. Nacrt dokumenta LAPZ objavit će na zvaničnoj web stranici Općine u trajanju od 7 dana radi uključenja i šire društvene zajednice u eventualne sugestije i dopune Plana.

#### Član 7.

Nakon realizacije člana 6. ove Odluke, Služba za privredu i lokalni ekonomski razvoj je dužna da finalni nacrt dokumenta LAPZ dostavi Općinskom načelniku na usvajanje.

#### Član 8.

Služba za privredu i lokalni ekonomski razvoj će organizovati sastanke Radnog tima i kontinuirano komunicirati u skladu sa utvrđenom dinamikom izrade LAPZ.

#### Član 9.

Ova Odluka stupa na snagu danom potpisivanja od strane Općinskog načelnika, odnosno objave na zvaničnoj web stranici Općine Novi Grad Sarajevo.

Broj:02/03-28-4531 /17  
Sarajevo, 27.03. 2017. godine

